

Introducziun dad e-voting en il chantun Grischun – strategia da derasaziun

1. Princip

Tar l'introducziun e tar la derasaziun dad e-voting vegn respectada cumplainamain l'autonomia da las vischnancas. Il chantun stgaffescha las basas giuridicas necessarias, ed el cumpra e maina il sistem dad e-voting. Las vischnancas decidan sezzas, sch'ellas vulan lura introducir il e-voting ed en tge dimensiun che quai duai succeder.

2. Survista da las opziuns d'agir da las vischnancas

a) Vischnancas cun votaziun a l'urna en chaussas communalas (votaziuns e/u elecziuns) han las suandantas

opziuns d'agir

E-voting integral

E-voting è pussaivel per **tut** las elecziuns e votaziuns sin **tut** ils plauns (federal, chantunal, regional, communal)

E-voting selectiv (senza elecziuns communalas)

E-voting è pussaivel per **votaziuns** sin plaun communal; elecziuns communalas ston vegnir realisadas durant termin separads e cun chanals da votaziun convenziunals (urna, correspundenza)

E-voting parzial (senza elecziuns e votaziuns communalas)

E-voting è pussaivel mo per votaziuns ed elecziuns sin plaun **federal, chantunal e regional**; elecziuns e votaziuns communalas ston vegnir realisadas durant termin separads e cun chanals da votaziun convenziunals (urna, correspundenza)

Nagin e-voting

Per tut las elecziuns e votaziuns e sin **tut** ils plauns (federal, chantunal, regional, communal) stattan a disposiziun mo ils chanals da votaziun convenziunals (urna, correspundenza)

b) Vischnancas senza votaziun a l'urna han las suandantas

opziuns d'agir

E-voting parzial

E-voting è pussaivel per tut las elecziuns e votaziuns sin plaun **federal, chantunal e regional**; sin plaun communal vegni votà ed elegì a chaschun da la radunanza communal

Nagin e-voting

Per tut las elecziuns e votaziuns sin plaun federal, chantunal e regional stattan a disposiziun mo ils chanals da votaziun convenziunals (urna, corrispondenza); sin plaun communal vegni votà ed elegì a chaschun da la radunanza communal

3. Remartgas

a) En general

Tut las vischnancas che sa decidan per il e-voting integral, selectiv u parzial ston cooperar a la procedura d'annunzia per votantas e votants "electronics". Cun questa procedura vegn generà il register electoral dad e-voting. En vischnancas che navulan en general nagin e-voting, n'è questa procedura d'annunzia betg necessaria, e las cumpetenzas e responsabladads actualas restan sco ch'ellas èn.

b) Opziun "e-voting integral"

Vischnancas (cun votaziun a l'urna) che sa decidan per il e-voting integral ston resguardar – per elecziuns communalas – las disposiziuns chantunalas davart la procedura d'annunzia per elecziuns.

c) Opziun "e-voting selectiv"

Vischnancas (cun votaziun a l'urna) che sa decidan d'introdur il e-voting sin plaun communal mo per votaziuns èn da princip autonomas areguard las elecziuns communalas. L'unica restricziun: Talas elecziuns na dastgan betg vegnir realisadas il medem di sco quai ch'igl ha lieu in'elecziun cun e-voting (sin plaun federal, chantunal u regiunal).

Teoreticamain fissi er imaginabel ch'ina vischnanca sa decidess d'introdur il e-voting per elecziuns communalas, betg dentant per votaziuns communalas. En quest cas na dastgassan talas votaziuns betg vegnir realisadas il medem di sco quai ch'igl ha lieu ina votaziun cun e-voting (sin plaun federal, chantunal u regiunal).

d) Opziun "e-voting parzial"

Vischnancas che tschernan questa opziun restan autonomas areguard la realisaziun da las votaziuns ed elecziuns communalas. L'unica restricziun: Talas votaziuns ed elecziuns communalas na dastgan betg vegnir realisadas il medem di sco quai ch'igl ha lieu in'elecziun u votaziun cun e-voting (sin plaun federal, chantunal u regiunal).